

URDHËRESË

Nr. 33558, datë 18.9 2017

**MBI ORGANIZIMIN E PLANIT TË LËVIZJES SË AUTOMJETEVE GJATË
MBARËVAJTJES DHE ORGANIZIMIT TË "GARËS ME BICIKLETA ME
NXËNËSIT E GJIMNAZEVE TË TIRANËS" NGA MINISTRIA E MJEDISIT NË
KUADËR TË "JAVËS EUROPIANE TË LËVIZSHMËRISË"**

Në mbështetje të nenit 8, pika 2, nenit 9, nënpika 1.1, shkronja "b", nenit 25 dhe nenit 64 shkronja "a" të ligjit nr. 139/2015, datë 17.12.2015 "Për vetëqeverisjen vendore"; nenit 3, pika 30, nenit 5, pika 3, nenit 7, pikat 1, dhe nenit 37 të ligjit nr. 8378, datë 22.07.1998 "Kodi Rrugor i Republikës së Shqipërisë" (i ndryshuar); vendimit nr.153, datë 07.04.2000 të Këshillit të Ministrave "Për miratimin e rregullores së zbatimit të Kodit Rrugor të Republikës së Shqipërisë" (i ndryshuar) si dhe në kuadër të nismës ndërkombëtare të Bashkimit Europian "Java Europiane e Mobilitetit" dhe ndërgjegjësimit të komunitetit mbi reduktimin e përdorimit të makinave private dhe promovimin e alternativave mjedisore në transport, si dhe mbarëvajtjen dhe organizimin e aktiviteteve kulturore me rastin e "Garës me bicikleta me nxënësit e gjimnazeve të Tiranës",

URDHËROJ:

1. Kufizimin e qarkullimit të automjeteve në datën 20 Shtator nga ora 11:00 deri në orën 13:00 në rrugën "Lekë Dukagjini", në Sheshin "Nënë Tereza" dhe përgjatë segmentit të bulevardit "Dëshmorët e Kombit" deri në kryqëzimin me rrugën "Abdyl Frashëri", në të dy senset e lëvizjes.

2. Qarkullimi i automjeteve, mjeteve të emergjencës dhe Policisë së Shtetit do të bëhet, sipas planit të lëvizjes më poshtë:

- Në kryqëzimin e rrugës "Ibrahim Rugova" (sipas sensit Veri-Jug) me rrugën "Lekë Dukagjini", drejtim i detyruar drejt, me drejtim lëvizje në rrugën "Adem Jashari" dhe anasjelltas;
- Në kryqëzimin e bulevardit "Dëshmorët e Kombit" (sipas sensit Veri-Jug) me rrugët "Abdyl Frashëri" dhe "Gjergj Filipi", drejtim i detyruar majtas-djathtas;
- Në kryqëzimin e rrugës "Abdyl Frashëri" (sipas sensit Perëndim-Lindje) me bulevardin "Dëshmorët e Kombit", drejtim i detyruar drejt-majtas;
- Në kryqëzimin e rrugës në Sheshin "Italia" me rrugën "Lekë Dukagjini", drejtim i detyruar majtas.

3. Itenerari i lëvizjes së mjeteve të linjës urbane “Tirana e Re” dhe linjës “Teg-Sauk i Vjetër-Kopshti Zoologjik – Ish-Stacioni Trenit” do të pezullohet në segmentin e bulevardit “Dëshmorët e Kombit” dhe sheshin “Nënë Tereza” duke devijuar në kryqëzimin e rrugës “Abdyl Frashëri” (sipas sensit Perëndim-Lindje) me bulevardin “Dëshmorët e Kombit”, drejtim i detyruar majtas.

4. Për zbatimin e kësaj urdhërese ngarkohet, Drejtoria e Përgjithshme e Punëve Publike dhe Policia Bashkiake, në bashkëpunim me Komisariatin e Qarkullimit Rrugor.

Kjo urdhëresë hyn në fuqi menjëherë.

KRYETARI

Erion VELIAJ

